

Beleid: Krieket

Laer Volksskool 2023

1 DOELSTELLINGS VAN KRIEKET:

Om interaksie tussen onderwysers en leerders buite die klaskamer te hê.

- Om 'n gebalanseerde leefstyl uit te leef.
- Talente te ontwikkel.
- Spier-, balans-, soepelheid te ontwikkel om sodoende te presteer in 'n item.
- Interaksie tussen maats op 'n gestruktureerde basis buite die klaskamer.
- Aanleer van stiptelikheid en deursettingsvermoë.
- Ons wil krieket ten alle tye geniet.
- Ons wil graag waardes, vermoëns en liefde vir krieket kweek.
- Krieket leer ons om met nederigheid te wen.
- Krieket is 'n spansport en leer kinders om saam te werk.
- Krieket bring mense bymekaar en gee vir leerders die geleentheid om deel te neem en om vaardighede te verbeter.

2 SAMESTELLING VAN SPANNE:

- * Spelers vanaf 0/7 tot 0/8 mag deelneem aan mini-krieket wat met 'n sagte bal gespeel word.
- Spelers vanaf 0/9 tot 0/13 mag deelneem aan senior krieket, wat met 'n harde bal gespeel word.
- Indien 'n speler se talente hom instaat stel om vir 'n ouer jaargroep te speel, mag dit toegelaat word.

3 EREKODE VIR OUIERS/AFRIGTERS EN SPELERS:

Dit is baie belangrik dat spelers en hulle ouers besef dat hulle Laer Volksskool verteenwoordig.

- By Volksskool behandel ons, ons opponente met hoflikheid en respek.
- Volkie leerders verwelkom besoekers en groet mense met vriendelikheid.
- Daar mag geen negatiewe opmerkings gemaak word tydens wedstryde nie.
- Vriendelike opmerkings en bemoedigende woorde word aangemoedig.
- Kleredrag is belangrik en moet Volkies altyd reg geklee wees.
- Ons verwag ten alle tye dat Volkies stiptelik en netjies sal wees.
- Ouers word nie op die veld toegelaat tydens wedstryde nie.
- Ons verwag ouers om seuns aan te moedig tydens wedstryde wat gespeel word.
- Krieket is 'n "Gentleman's game" en moet die reëls gevolg word.

4 OUDERDOMME:

Krieket met rooi sagtebal - 0/7 en 0/8 leerders speel slegs met 'n sagtebal mini-krieket in skoolverband. Hierdie leerders is onderskeidelik 7 en 8 jaar oud. Leerders wat in die jaar die onderskeidelik ouderdom word mag in die jaargroep speel.

0/7 - 6 en 7 jaar oud.

0/8 - 7 en 8 jaar oud.

Krieket met harde bal - Vanaf 0/9 - 0/13 krieket word slegs met harde bal gespeel. Hierdie leerders is onderskeidelik 9 tot 13 jaar oud in hulle afsonderlike spanne. Leerders wat in die jaar die onderskeidelik ouderdom word mag in die jaargroep speel.

0/9 - 8 en 9 jaar oud.

0/11 - 10 en 11 jaar oud.

0/13 - 12 en 13 jaar oud.

5 AFRIGTERS:

- Visie - Is om leerders die nodige vaardighede, vermoëns en waardes van krieket te leer wat leerders op die veld uitbeeld.
- Missie - Die missie is om die beste moontlike afrigting vir leerders te verskaf, sodat leerders ten alle tye hulle beste sal kan gee op die veld.
- Doelwit - Om vir leerders die liefde van krieket te leer en om dit in oefeninge en wedstrydsituasies te kweek.

Die rol van die afrigter:

- Afrigters is verantwoordelik vir oefeninge van hulle span.
- Elke week moet daar 'n veldwerksessie gedoen word saam met boulwerk en kolfwerksessies.

- Afrigters moet seker maak hulle is betyds vir oefeninge en wedstryde.
- Hulpverlening moet aan leerders verskaf word aan leerders wat sukkel.
- Afrigters is verantwoordelik vir bussies ry en om te dien as skeidsregter by hulle verkeie wedstryde.
- Afrigters moet seker maak dat 2 jaarlikse krieket-eksamen geskryf word en dat afrigters deel kan neem aan wedstryde as skeidsregters.
- Afrigters se verantwoordelikheid is om liefde by leerders te kweek vir die sport en om altyd hulle beste te gee.

Afrigters van krieket by Laer Volksskool:

- Stiaan van der Hyde
- Tiaan Viljoen
- Hanro Hendriksz
- Frikkie Le Grange
- Dawie Jordaan
- Lardus Badenhorst
- Cassie Vorster

6 OEFENINGE:

Oefeninge sal drie keer per week geskied. Maandae, Dinsdae en Donderdae word uitgesit om krieket te oefen. Oefening van krieket geskied by Laer Volksskool se net met die onderskeie spanne. Veldwerksessies kan op Laer Volksskool se velde geskied waar die res van die oefeninge by die nette sal plaasvind. Geen krietetoefening sal Woensdae of Vrydag plaasvind nie.

Tye van oefening:

Maandae - 14:00 - 16:00

Dinsdae - 14:00 - 16:00

Donderdae - 14:00 - 16:00

7 SKEIDSREGTERS:

Alle afrigters is verantwoordelik om as skeidsregter (umpire) tydens hulle wedstryde te dien. Skeidsregters (afrigters) moet 'n skeidsregterkursus voltooi om by wedstryde te kan staan as 'n skeidsregter.

Die rol van 'n skeidsregter:

- Ten alle tye moet skeidsregters regverdig wees.
- Krieket "in the spirit of the game" speel.
- Intree indien spanne of spelers verkeerde goed doen of sê teenoor ander spanne of spelers.
- Die reëls van krieket ken en eie oordeel gebruik waar nodig.
- Seker te maak die veld waarop gespeel word, is veilig vir spel.
- Seker maak die krieketblad is die regte lengte.

8 KOMMUNIKASIE MET OÜERS:

Whatsapp groepe word gestig vir elke krieketspan. Elke krieketafrigter is verantwoordelik vir stigting van hulle span se eie krieketgroep waar alle kommunikasie na die ouers deurgegee kan word. Busbriewe word elke Maandag vir leerders vroegtydig gegee om die skeurstrokie in te vul en weer terug te stuur. Op die brief word die wedstryd informasie asook die plek, datum en tye deurgegee. Kommunikasie van gebeure vind ook op elke week se omsendbrief plaas waar daar sal staan wanneer oefeninge en wedstryde sou plaasvind op 'n weeklikse basis.

9 VERVOER:

Die skool bly verantwoordelik vir vervoer van leerders na wedstryde. Indien spelers saam hul ouers ry of terugkeer moet dit aangetoon word op die nodige antwoordstrokie. Bussie keer terug na elke wedstryd om leerders met vervoer te akkommodeer.

10 MEDIESE ASPEKTE EN VEILIGHEID:

Die afrigter (skeidsregter) is verantwoordelik vir die veld se veiligheid. Enige leerders wat 'n mediese kondisie het moet vooraf die afrigter daarvoor in kennis stel.

11 OÜER NAVRAE:

Ouer navra word individueel hanteer. Die beleid sê ons mag oproepe en vrae beantwoord tot 19:00 in die aand. Indien daar erge probleme of 'n krisis is, kan die krieket-organiseerder dit uitsorteer. Ouers kan navrae by die onderwyser (afrigter) doen waarvoor die kind speel.

12 EERSTE SPAN ERKENNING:

Om 'n skool se eerste span te verteenwoordig is 'n groot eer en harde werk daarom moet die eerste span van die skool meer erkenning kry. Hulle is die voorbeeld vir die volgende seuns wat vir die eerste krieketspan wil speel.

- Seuns mag op Vrydae hulle 1ste - span baadjies met hulle baggie dra.
- Die seuns ontvang 'n baggie hoed vir die krieket indien hulle 3 wedstryde of meer vir die eerste krieketspan gespeel het.

- Daar word 'n spesiale krieketwedstryd gereël waar die ouers en afrigters teen die eerste krieketspan span speel as afsluiting tot die krieketseisoen.

13 BEKRONING:

Alle leerders wat reg deur die jaar aan oefeninge deelgeneem het, en wedstryde gespeel het sal 'n sertifikaat van deelname ontvang. Verdere erkenning is gebaseer op die volgende prestasie:

- Balkie: Deelname aan Sedibeng krieket Semi- finale
- Prestasietoekenning Sedibeng span
Wenners van Sedibeng Semi-finale
- Erekleure: Deelname aan Gauteng krieketspan
Liga wenners
- Krieketspelere van die jaar: Die leerder wat die beste spanprestasie bereik het.